



24. maji 2011

Inatsisartut suleriaasianni § 37, naapertorlugu matumuuna imaattumik Naalakkersuisunut apeqquteqarpugut:

Apeqqut: Upernaviup kujataa-tungaani avataanilu qalorsuarnik raajarniarneq periarfissaq akuerisaasoq, sumut killeqarpa? Aammalu sumiffinni taakkunani ukiuni kingullerni 10-ni raajat qalorsuarnik raajarniarfigineqarnerani qanoq annertutigisut pisarineqarpat?

(Inatsisartuni Ilaasortat, Knud Kristiansen, Siverth K. Heilmann, ATASSUT)

Tunggavilersuut:

Aalisartunit ATASSUT-mi ilisimatinneqartarnerput paasissutissanillu apuussiffigineqartarnerput maannamut oqariartuutigineqarput, saarulliit allaat kangerlunni pisarineqartartut, amerlasoorujussuit raajanik angisuunik aqajarormioqartartut, kangerlunnilu raajanik amerlasuunik naammattoorsiffiusartoq. Ukiut siuliini misileraanerit ingerlanneqartartut amerlanertigut nalilersuiffiginerini immap naqqata natilunnera ajornartorsiutitut nalilerneqartarmat.

Maannamut qalorsuit raajarniarnermi atortut nutaanngoriartornerini atortut immap naqqani natilukkaluami atorsinnaasut periarfissaalernerisigut ATASSUT-miit isumaqarpugut, siornatigut raajarniarfiunngitsut aamma periarfissanngortut, tamannalu aamma Upernaviup kujataa-tungaa, avataalu ilanngullugu.

Inussiarnersumik Inuulluaqqusilluta, ATASSUT-mi Inatsisartuni Ilaasortat.